

REFERAT AIA - Aningaasaqarnermut Inuussutissarsionermullu Ataatsimiititaq d. 26-04-2018

Mødedato Torsdag d. 26. april 2018 kl. 18:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Pisiniartarnermut tunngasut killiffiat pillugu nalunaarut.....	7
Ataatsimiititami aalajangiiffisassat.....	10
Suliat Kommunalbestyrelsimut ingerlateqqitassat.....	11
Illoqarfiit pingaarnersaat pillugu periusissiap killiffia.....	12
Kommunimut pilersaarummut tapiliussaq 3E5-2, Nuuk Airport, pillugu siunnersuut.....	17
Taasariaqartut allat.....	21
Suliat matoqqasut.....	22
Lukket.....	23
Lukket.....	24
Lukket.....	25
Lukket.....	26
Lukket.....	27
Imaqarniliap akuerineqarnera.....	28

Punkt 0: Saqqaa

<p>Ilaasortat</p> <p>Asii Chemnitz Narup (IA), siulittaasoq</p> <p>Harald Bianco (IA)</p>
<p>Malene Lyngø (IA)</p> <p>Henrik Rachlev (IA)</p> <p>Randi Vestergaard Evaldsen (D)</p> <p>Peter Davidsen
(S)</p> <p>Jens Kristian Berthelsen (S)</p>

Beslutning

Peqataanngitsut:

Randi Evaldsen (D)

Peter Davidsen (S),

Taarsiullugit qaaqquneqarput:

Thiioq Knudsen (S)

Oqarasuaatikkut ilaasut:

Harald Bianco (IA),

Henrik Rachlev (IA), aamma

Thiioq

Punkt 1: Oqaluserisassat akuerineqarneri

Beslutning

Oqaluserisassat akuerineqarput.

Punkt 2: Nalunaarutit

<p>2A. Siulittaasumit nalunaarutit</p> <p>2B. Ingerlatsivimmit nalunaarutit</p>

Beslutning

1. Borgmesterip angalanissamut pilersaarutai malillugit Tasiilamiittussaagalarpoq ulluni 11.-14. apriili 2018. Silarlunna pissutigalugu timmisartukkut angalanissat unitsinneqarmata angalanissaq taamaatiinnarneqarpoq. Taamaattorli pilersaarutit malillugit 2018-imi Kulturimut nittarsaassisartumik toqqaasoqarnissamut aqqissuussaq Tasiilami ingerlanneqarpoq. Kommuneqarfik Sermersuumi ulloq 12. apriili Gedion Qeqe 2018-imi Kulturimut nittarsaassisutut toqarneqarpoq.
2. Ulloq 15. apriili borgmesteri Frelsens Hærimut pulaarpoq, tassanilu angerlarsimaffeqanngitsutut inuuneq pillugu filmimik Frelsens Hær naatsuliamik takutitsivoq.
3. Ulloq 16. apriili Ataqinartorsuaq Dronning Margrethe inuissiorpoq. 78-inik ukioqalerpoq. Pisanerq malillugu Ataqinartorsuup inuissiornera Nuutoqqami nalliuttorsuutigineqarpoq, tassanilu qamutilittartoqarlunilu borgmesteri oqalugiarpoq. Tamatuma saniatigut nipilersortunik tusarnaatitsisoqarpoq meeqqanullu poor'loqarlunilu kissartumik kakaaveqarpoq.
4. Ulloq 17. apriili borgmesteri NAIP ataatsimeeqatigaa, tassani peqatigiiffiup illuanut atatillugu ajornartorsiutaasinnaasut eqqartorneqarput. Ataatsimiinneq kommunip NAIP-llu akornanni pissarsiaqarfiulluarluni ingerlanneqarpoq.
5. Aningaasaqarnermut Inuussutissarsiornermullu Ataatsimiititaq angalassaaq piffissami 23.-26. maaji 2018, maannalu Tasiilamiillutillu Kulusummiissapput. Ataatsimiititap angalanissaanut pilersaarut maanna suliarineqarpoq, ataatsimiititallu ilaasortaasa sap.ak. 19-imi pilersaarut mailkkut nassiunneqarnissaa naatsorsuutigisinnaavaat.
6. Ulloq 24. apriili 2018 Inatsisartunut qinersisoqarpoq.
7. Ulloq 11. maaji 2018 Nuup Bussii A/S, Iserit A/S aamma Nuuk City Development A/S ataatsimeersuarput. Ullup ingerlanerani piffissani assigiinngitsuni ataatsimeersuarnerit immikkut ingerlanneqarput.

Punkt 3: Ilisimatitsissutit

Punkt 03A: Pisiniartarnermut tunngasut killiffiat pillugu nalunaarut

Beslutning

Ilisimatitsissut tusaatissatut tiguneqarpoq.

Bilag

Redegørelse om Indkøb 2017 KAL.docx

Pisiniartarnermut tunngasut killiffiat pillugu nalunaarut

Ukioq 2017-imut tunngatillugu

Ilisimatitsissut

J.nr: 10.00.01

Suliffeqarfimmi Kiffartuussineq - kommunaldirektøri Lars Møller-Sørensen / LMS

Suliassamik eqikkaaneq

Kommunip nioqqutissanik kiffartuussinernillu pisiniartarnera 2017-imi ataavartumik pitsaangorsarlugu sulissutigineqarpoq. Kommunip pisiniartarnerata pitsaangorsaavigineqarneranik suliaqarneq ukiuni aggersuni suli qitiutinneqarlunilu sukateriffigineqassaaq.

Kommune ukiumut 75 mio koruunit missinginut pisiniartarpoq. Aamma ingerlatsinerup pitsaanerpaangortinnissaanut pisiniartarneq pingaarutilerujussuuvoq. Peqatigitillugu pisiniartarneq pisariaqarluinnartuuvoq, kommunimi sulisut peqqinnissap, isumaginninnerup allallu iluanni atuuffiit qanimut pilersorsinnaaniassammagit ineriartortitseqataaffigalugillu, innuttaasunik suliffiullu iluani pitsaanerpaamik sullissinissaq anguniarlugu.

Pisiniartarnerup annertussusia eqqarsaatigalugu aningaasat sapinngisamik atorluarneqarnissaannut akisussaaffeqarpugut. 2015-imili immikkoortorta q pilersinneqarmat kommune akisussaaffiup tamassuma naammassineqarnissaanut siunnerfilimmik suliniuteqarpoq. Siusinnerusukkut aningaasatigut sunik angusaqartoqarsimanersoq nalunaarutigineqareerpoq. Kommune pisiniartarfimmik ingerlalluatumik aqunneqarluatumik suliffeqarfik tamakkerlugu iluaqutaasumik pilersitsinikuuvoq, tassanilu sulisut sungiussilluarsimasut pisiniartarnermi pisariuneruleriartortumi sulisorineqarput.

Inassuteqaatit

Suliffeqarfimmi Kiffartuussinerup Aningaasaqarnermut Inuusutissarsiornermullu Ataatsimiititamut inassuteqaatigaa:

- Kommuneqarfik Sermersuumi ukioq 2017-imi Pisiniartarnermut tunngasut killiffiat pillugu nalunaarusiaq tusaatissatut tiguneqassasoq.

Suliassamik saqqummiussineq

Kommune pisiniartarfimmik suliffeqarfik tamakkerlugu iluaqutaasumik pilersitsinikuuvoq, tassanilu sulisut sungiussilluarsimasut pisiniartarnermi pisariinneruleriartortumi sulisorineqarput. Taakkuupput neqeroorutininik pisiassanik suliassanillu sunilluunniit ajornanngitsunnguaniit sapernarnerpaanut pissarsiniartartut, kommunip sullitaminut qaninnernut Nuummi, Tasiilami Paamiunilu tunniuttagaanik qaffasissumik pitsaassusilinnik. Aamma kommunimi pisisartut Tasiilami Paamiunilu sulisut Nuummi sulisut sullinneqarneri assigalugit sullittarpavut. Kommunimi pisisartut peqatigalugit aamma pitsaanerumik pisiniartalernissaq qulakkeerniarlugu iluaqutissanik arlalinnik ineriartortitsisoqarpoq. Aamma 2017-imi sulisoqarfiit assigiinngitsut atuariillu akulikitsumik pulaartarpavut aammalu Tasiilaq Paamiullu tikinneqarnikuupput. Pisiniartarnermut tunngasuni aamma kommunip iluani nukittuumik suleqatigiittoqalernikuuvoq, ataatsimoorussamik periusissaliortoqarnikuuvoq Pisiniartarnermut politikki qinikkanik akuersissutigineqarsimasoq toqqammavigalugu. Isumaqatigiissutit naapertorlugit pilersuisutut toqqakkat suleqatigineri suli sungiussisimarpaluttumik ingerlanneqarpoq, ataavartumik isumaqatigiissutigisatta ingerlannerata pitsaanerpaajuartinnissaat ugartortuarlugu. Taama malittarisassanik najoqqutassanillu assigiissaakkanik kommunip suliffeqarfiutaannit malinninneq qaffasissorujussuuvoq.

Pisiniartarnermut politikkip akuersissutigineqarsimasup / Pisiniartarnermut periusissiap niuernernullu tunngasut taavalu neqeroortitsisarnerit akornanni katiterinermi annertuumik aallunneqarnikuupput:

Naammassinnissinnaaneq:

neqeroortitsisarneq, akit, ingerlatsinermut aningaasartuutit, pitsaassuseq qaffassissoq aqutsinerullu aallunnerisigut KS pisiniartarnini pitsaanerulersippai. Kiisalu assigiissaarineq, ingammik tunngaviusumik pisiassanut, annertuumik aallunneqartaleramik. Pisiniartarnermut aaqqissuussinerup qitiusumik qitiunngitsumillu allaffiit pisiniarnermut piffissaq atortagaat annertuumik annikillissinnikuuaa.

Atuisunut pisariillisaaneq:

Pisiniarnermut isumaqatigiissutit atornissaannik ineriartortitsinissamullu isummersoqatigiinneq taavalu pisiassanut ilisimasaqassuseq pillugit immikkoortortat pisiniartartut annertuumik suleqatigineqarput.

CSR (Corporatae Social Responsibility, suliffeqarfiup inuiaatigiinnut akisussaaffia):

Avatangiisimut CSR-imullu pissutsit attuumassutillit allat neqeroortitsinermi eqqumaffigineqartarput.

Nittarsaassilluni oqaloqateqarnerit:

Nioqquteqartut / pisiortorfiit oqaloqatiginissaannut iliuseqaqqaartarpugut neqeroortitsinermi atortut il.il. pitsaanerpaat aamma tutsuiginassuseq qaffassissoq qulakkeerniarlutigit.

Pisiniartarneq pillugu politikkip septembarip 24-ani 2014-imi akuersissutigineqartoq tunngavigalugu, ukiut tamaasa politikkipkut aqutsisunut malinnaaffigilluarneqarsinnaasumik nalunaarusiortassaagut / nassuiaasiortassaagut.

Aningaasaqarnikkut sulisoqarnikkullu naliliinerit

Pisiortornermut Allaffik ataavartumik aningaasartuutininik sipaarutaasunik naatsorsuusiortarpoq. Taamaalilluni missingsuutininik ingerlaannaq iluarsisoqarsinnaanngorpoq.

Inatsisitigut tunngavissaq allakkallu tunngaviusumik uppernarsaatitallit

Kommuneqarfik Sermersuumi Pisiniarnermut Politikki, 24. septembari 2014imi atuutilersinneqartoq, allannguutaalu 13. aggusti 2015imeersoq. Kommuneqarfik Sermersuumi Pisiniarnermut Periusissaq, 13. aggusti 2015imi atuutilersinneqartoq.

Ingerlariaqqinnissaq

Pisiortornermut Allaffiup neqerooruteqartitsiffiusinnaasunik naliliinissamut suli Kommuneqarfik Sermersuumi misissuineq ingerlanneqassasoq aamma Pisiortornermut Allaffik isumaqatigiissutaasimasunik annertunerusumik paasissutissiinissamut ingerlatsivinnik immikkoortunillu attaveqatigiinnermik aallussinerussaaq.

Aningaasaqarnermut Allatseqarfimmit oqaaseqaatit

Suliffeqarfimmut Kiffartuussivimmit allanik oqaaseqaatissaqartoqanngilaq

Ingerlatsivinnit allanit oqaaseqaatigineqartut

Soqanngilaq

Ilanngussaq/Ilanngussat:

1. Ukioq 2017-imut tunngatillugu Pisiniartarnermut tunngasut killiffiat pillugu nalunaarut.

Punkt 4: Ataatsimiitami aalangiiffisassat

<p>Soqanngilaq.</p>

Punkt 5: Suliat Kommunalbestyrelsimut ingerlateqqitassat

Punkt 05A: Illoqarfiit pingaarnersaat pillugu periusissiap killiffia

Beslutning

Ilisimatitsissut tusaatissatut tiguneqarpoq aammalu Kommunalbestyrelsimut ilisimatitsissutitut ingerlateqqinneqarluni.

Bilag

Vision-1-Nuuk-som-arktisk-hovedstad_20747 2.docx

Vision-2-Nuuk-som-grobund-for-menneskelig-udvikling_20747_KAL.docx

Vision-3-Nuuk-som-centrum-for-vækst-i-erhvervslivet_20747_KAL.docx

Vision-4-Nuuk-som-bæredygtig-hovedstad_20747_KAL 1.docx

Illoqarfiit pingaarnersaat pillugu periusissiap killiffia

Ilisimatitsissut

Suliap normua: 66.15-A00-5-18

Suliffeqarfimmi Kiffartuussineq - kommunaldirektøri Lars Møller-Sørensen / LMS

Suliassamik eqikkaaneq

Kommuneqarfik Sermersuumi kommunalbestyrelsep 2017-imi annertuumik angusaqarluarfiusussamik Illoqarfiit pingaarnersaat pillugu periusissiamik akuersissuteqarpoq, tassanilu Nuup illoqarfiup pingaarnersaattut ineriartortinneqarnissaannut tunngaviit pilersinneqarput. Periusissiaq illoqarfimmi assigiinngitsut suleqatigalugit aallartinneqarnikuuvoq, arlalinnik ataatsimeersuaqatigiinnikkut workshoppertitsinikkullu periusissiornissamut immersueqataaffigineqareerluni.

Illoqarfiit pingaarnersaat pillugu periusissiaq sisamanik takorluukkanik imaqarpoq:

- Nuuk issittumi illoqarfiit pingaarnersaattut
- Nuuk inuttut ineriartornermi tunngaviusutut
- Nuuk namminersorluni inuussutissarsiteqartunut siuarsarnissamut qitiusoq
- Nuuk illoqarfiit pingaarnersaattut piujuartitsiffiusoq

Takorluukkani ataasiakkaani assigiinngitsunik sammisaqarluni suliaqartoqarpoq aamma Illoqarfiit pingaarnersaat pillugu periusissiami takorluukkanut anguniakkanullu tapersersuutaasut ingerlatsivinni assigiinngitsuni suliaralugit sammineqartut ilisimatitsissutigineqartassapput.

Inassuteqaat

Suliffeqarfimmi Kiffartuussinerup Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatitugit tiguneqassasoq

Suliassamik saqqummiussineq

Kommuneqarfik Sermersuumi kommunalbestyrelsep 2017-imi annertuumik angusaqarluarfiusussamik Illoqarfiit pingaarnersaat pillugu periusissiamik akuersissuteqarpoq, tassanilu Nuup illoqarfiup pingaarnersaattut ineriartortinneqarnissaannut tunngaviit pilersinneqarput. Periusissiaq illoqarfimmi assigiinngitsut suleqatigalugit aallartinneqarnikuuvoq, arlalinnik ataatsimeersuaqatigiinnikkut workshoppertitsinikkullu periusissiornissamut immersueqataaffigineqareerluni.

Illoqarfiit pingaarnersaat pillugu periusissiaq sisamanik takorluukkanik imaqarpoq:

- a) Nuuk issittumi illoqarfiit pingaarnersaattut
- b) Nuuk inuttut ineriartornermi tunngaviusutut
- c) Nuuk namminersorluni inuussutissarsiteqartunut siuarsarnissamut qitiusoq
- d) Nuuk illoqarfiit pingaarnersaattut piujuartitsiffiusoq

Periusissiap imarisaanit Kommuneqarfik Sermersuumi ingerlatsiviit tamarmik sunnerneqassapput, taakkulu takorluukkani ataasiakkaani immikkoortut pingaarnertit ataanni sukumiisumik nassuiaatigineqarput.

Takorluukkani ataasiakkaani iliusissat assigiinngitsut pilersinneqarput.

a) *Nuuk issittumik illoqarfiit pingaarnersaattut takorluugaq* qulequttanut pingasunut avinneqarsimavoq:

- Nuuk Issittumi illoqarfittut nunani tamalaani siuttuat
- Nuuk politikkimut allaffissornermullu qitiusutut
- Nuuk Nunatsinni angallannermi qitiusoq.

Nuummi pitsaassutsit periarfissallu silarsuup sinneranut pilersaarutiginissaanut, Nuuk, Nunatsinni Issittumilu, politikkimut allaffissornermullu qitiusutut ineriartortinneqarnissaanut aamma Nuuk Nunatsinni angallannermi qitiusunngortivinnissaanut suliniutit assigiinngitsut sulissutigineqarput. Ilaatigut nunanut tamalaanut tunngatillugu najoqqutassanik suliaqartoqarpoq. Nunanik tamalaanik suleqateqarnermut atatillugu najoqqutassanut pilersaarut politikikkut anguniagassatut aalajangiussat naammassineqarnissaanut najoqqutassatut atorneqassaaq. Nuuk issittumi illoqarfiit pingaarnersaattut inissisimaneranut tapersersuutaasussat ilagaat "Nuummi Pingaarnertut Aaqqissuussaq nutaaq", tassani pilersaarutit annertuut aqutigalugit ineriartortitsinissamut najoqqutassaqarpoq.

b) Nuuk inuttut ineriartornermi tunngaviusutut takorluugaq sisamanut immikkoortunut agguataarneqarsimavoq:

- Nuummi innuttaasut iluarisimaarinnillutillu siuariartussapput
- Nuuk illoqarfiussaaq ilinniarfeqarfik paasisimasaqarfillu
- Nuuk kulturikkut nutaaliornikkullu illoqarfik piorsaaffiusoq
- Nuuk timersornermut illoqarfittut

Nuummi inuttut siuariartornissaq aallutarissavarput. Tunngaviusumik isiginnittaaseq imaappoq, Nuummi kikkulluunniit inuiaqatigiinni peqataassapput. Nuummi innuttaasut iluarisimaarinnillutillu siuariartornissaanut tapersersuutaasussanik iliuusissanik arlalinnik suliniliuteqartoqarpoq. Meeqqanut Ilaqutariinnullu Ingerlatsivimmi kiffartuussineq misissuivigineqarpoq aaqqissuussaaneerlu annertuumik allanngortinneqarluni. Aaqqissuussaaneq nutaaq aqutigalugu ikiorsiissuteqarneq eqqortoq tunniunneqarnissaa, siusinnerusukkut ikiorsiisoqarnissaa kiisalu inatsit atuuttoq malinneqarnissaa qulakkeerneqassaaq. Kultureqarnermut timersornermullu immikkoortortami suliniutit arlallit ingerlanneqarput, assersuutigalugu Kulturimut nammattagaq pillugu suliniut, taanna ilaatigut atuartunut tamanut atuarnermi pitsaasumik kulturimut tunngasunik neqerooruteqarsinnaanermut pissutaaqataavoq, aamma PANAM (Amerikap nunavissuartaani unammiaarnerit), taannalu aasamut ingerlanneqassaaq.

c) Nuuk namminersorluni inuussutissarsiuteqartunut siuarsarnissamut qitiusoq pillugu takorluugaq immikkoortunut sisamanut agguataarneqarsimavoq:

- Nuuk namminersorluni inuussutissarsiuteqarfi ttut pilerinartutut
- Nuuk aalisarnermut inuussutissarsiornikkut qitiusutut
- Nuuk aatsitassanik piiaanermut qitiusutut
- Nuuk nunanit tamalaanit takornariaqarfi ttut pilerinartutut

Inuussutissarsiortut namminersortut aningaasaqarniarnitsinni annertunerunissaat sulissutigineqarpoq, ineriartortitsinissamut periarfissarpassuaqarlunilu piukkunnaatillit annertuut siunissami takkussuuttussaapput. Kommunimi inuussutissarsiortut ineriartortitsinissamut periarfissat pitsaasut pillugit ataavartumik oqaloqatigineqartarput, inuussutissarsiornermilu aningaasaliissuteqarnissamut ineriartortitsinissamullu suut akornutaasarnersut qanorlu annikillisarneqarsinnaanersut qulaajarniarlugit sulissuteqartoqarpoq. Namminersorlutik suliffeqarfiit qitiutillugit inuussutissarsiornermik ineriartortitsinissamut suliniutit ilagaat FoodLab – i madkulturhusi, iggavimmi assigiinngitsorpasuarnik atortorissaaruteqarmat suliffeqarfeeqqat ingerlatsinermut aningaasartuutaat annikillisinneqarsinnaapput, suliffeqarfeeqqat kalaallit nerisassaataannik misileraarusuttut nioqqutissiorusuttullu periarfissinneqassapput taamalu piffissat

ingerlanerani nutaaliorusussusermik aallarnisaarusussusermillu pilersitsillutik. Nuuk Nunatsinni takornariaqarfittut qitiusuunissaanut suliniutit arlallit ingerlanneqarput. Takornariaqarnek pillugu periusissiamik suliaqartoqarpoq, ilaatigullu Visitor Centerilortoqassaaq, taannalu umiarsualivitoqqamiissaaq sinersortaatinullu ilaasunik takornarissanik kiffartuussiviussalluni.

- d) Nuuk illoqarfittut pingaarnersatut piujuartitsisutut takorluugaq immikkoortunut pingasunut agguagaavoq.
- Illoqarfiit pingaarnersaattut alliertortoq nutartertuartorlu
 - Nuuk piujuartitsinermi illoqarfittut maligassuisutut
 - Nuuk sukisaarsartarfittut illoqarfiit pingaarnersaattut

Nuuk piffissap ingerlanerani alliertuinnarani kisianni nutartertuaannarnissaa aamma najugaqarfugalugu sulii pitsaanerulernissaa, suliffiginissaa aamma tikeraarneqarnissaa isumagissavarput. Nuummi Pingaarnertut Aaqqissuussaq nutaami assigiinngitsutigit piujuartitsineq sulissutigineqarpoq, soorlu piffissamut sivisuumut pilersaaruserneq, eqiterutsitsineq, avatangiisit pingaartillugit, silap pissusaa kiisalu sanaartornermut atatillugu "Piujuannartitsisumik Ineriartornissaq Nunanit Tamalaanit Anguniakkat" atorlugit ilusissaat immikkuualuttortaalu suliarineqassapput. Kommunimut pilersaarummi nutaami illoqarfiup annertuumik allilerneqarnissaa titartarneqarsimavoq. Alliertortitsinissaq pilersaaruserneqassaaq illoqarfiup qajannaatsuunissaa, piujuartitsiffiullunilu nungusaataaffiunani qorsortarasaarnissaalu eqqarsaatigalugu. Siunissami kommunimi periusissiorneqassaaq eqqarsaatigalugu Naalagaaffiit peqatigiit piujuartitsinissamut atatillugu nunarsuarmi anguniagaat kommunimi ilisimaneqarnerulernissaat anguniarneqarpoq.

Ilanngussani anguniagassat ataasiakkaat suliniutillu killiffii sukumiisumik nassuiaatigineqarput.

Aaqqiissutissatut siunnersuut – suliatigut naliliineq

Nuuk illoqarfiit pingaarnersaattut takorluukkat tapersorsorniarlugit suliniutit arlallit aallartinneqarput. Suliniutit pioreersut sulissutigeqqinnerisut, kiisalu nutaanik ineriartortitsinikkut, innuttaasunut suliffeqarfinnullu iluaqutaasumik illoqarfiit pingaarnersaat pillugu periusissiap atuutilersinneqarneratigit pitsaasunik angusaqartoqarsinnaasoq Suliffeqarfimmi Kiffartuussivimmit nalilerneqarpoq.

Aningaasaqarnikkut sulisoqarnikkullu naliliinerit

Ilisimatitsissummut atatillugu aningaasaqarnikkut kinguneqassanngilaq, siunnersuutaasut, aningaasaqarnikkut sulisoqarnikkullu malitsigisassaata ataasiakkaarlugit nalilersorneqartassammata.

Inatsitigit tunngavissaq allakkallu tunngaviusumik uppersaataitallit

- Illoqarfiit pingaarnersaat pillugu periaasissat

Ingerlariaqqinnissaq

Ingerlatsivinni ataasiakkaani illoqarfiit pingaarnersaat pillugu periusissaq sulissutigineqaaqqissaaq, ineriartortitsineq Piujuartitsinerullu killiffik pillugu ataavartumik ilisimatitsissuteqartarnissaq isumagissavaa.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaateqartitsisoqanngilaq.

Innuttaasunik peqataatitsineq/attaveqatigiinneq

Soqanngilaq

Ingerlatsivinnit allaniit oqaaseqaatit

Ingerlatsivinnit allaniit oqaaseqaateqartitsisoqanngilaq.

Ilanngussaq/Ilanngussat

1. Nuuk issittumi illoqarfiit pingaarnersaattut pillugu killiffik
2. Nuuk inuttut ineriartornermi tunngaviusutut pillugu killiffik
3. Nuuk namminersorluni inuussutissarsiuteqartunut siuarsarnissamut qitiusoq pillugu killiffik
4. Nuuk illoqarfittut pingaarnersatut piujuartitsisutut pillugu killiffik

Punkt 05B: Kommunitut pilersaarummut tapiliusseq 3E5-2, Nuuk Airport, pillugu siunnersuut

Beslutning

Inassuteqaatit akuerineqarput.

Bilag

Bilag1_KAL.pdf

Kommunimut pilersaarummut tapiliusseq 3E5-2, Nuuk Airport, pillugu siunnersuut

Aalajangiiffigisassaq

J nr: 16.03.01.01-P16-25-17

Sanarfinermut Avatangiisinullu Ingerlatsivik – pisortaagallartoq Hans Henrik Winther Johannsen / HHWJ

Suliassamik eqikkaaneq

Mittarfik pillugu pilersaarummik iluarsiissuteqarnissaq aamma inuutissarsiateqarfiusumut pioreersumut atassusikkanik inuussutissarsiateqarfiusussanik nutaanik pilersitsinissamik kommunip kissaateqarnera tunngavigalugit kommunimut pilersaarummut tapiliussatut siunnersuut suliarineqarpoq.

Sanarfinermut Avatangiisinullu Ataatsimiititap suliaq 26. April 2018 immikkut ittumik ataatsimiinnerminni suliarissavaat, tamatuma kingorna Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut aalajangernerana inassuteqaataalu Aningaasaqarnermut Inuussutissarsiornermullu Ataatsimiititap ataatsimiinnerani saqqummiunneqassapput.

Inassuteqaatit

Sanarfinermut Avatangiisinullu Ataatsimiititap Aningaasaqarnermut Inuussutissaqarnermullu Ataatsimiititamut inassuteqaatigaa:

- Kommunimut pilersaarummut tapiliussamut 3E5-1-imut, Nuummi Mittarfik, siunnersuut akuersissutigineqassasoq sapaatit-akunnerini arfineq-pingasuni tamanut tusarniaassutigineqarnissaa siunertaralugu, aammalu
- Tamatuma kingorna suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Naalackersuisut Nuummi mittarfiup 2200 meterimut tallinissaanut siunertaata qulakkeernissaanut Kommuneqarfik Sermersuumit kissaatigineqarnera tunngavigalugu, kommunimut pilersaarummut tapiliussatut siunnersuummik suliaqartoqarpoq. Pingaarnerusumik mittarfeqarfimmu atugassiaasunik nutaanik inuussutissarsiateqarfiliornissaq kiisalu mittarfimmu atquserngup allanngortinneqarnissaa tapiliussakkut qulakkeerneqassaaq.

Sumiiffimmi Pilersaarummut tapiliusseq pioreersoq suliarineqarnerata kingorna mittarfik annikitsumik sangutinneqarsimavoq, taamaattumillu immikkoortup ilaa 3E5-imut killiliussanut tunngatinneqarunnaarluni. Taamaammatt immikkoortup ilaa taassumalu eqqaaniittut iluarsiivigineqarnissaat pisariaqarsimavoq. Taamatut suliaqarnermut atatillugu immikkoortup ilaa 3B2-mi inuussutissarsiateqarfik pioreersoq allanngortinneqarpoq, tassani Mittarfiup eqqaani isumannaallisaanermut killeqarfinnut atatillugu piumasaqaatit il.il. eqqortinneqarnissaat pillugu.

Aaqqiissutissatut siunnersuut – suliatigut naliliineq

Mittarfik pillugu pilersaarummik iluarsiissuteqarnissaq eqqortinniarlugu kiisalu tassunga peqatigitillugu kommunip inuussutissarsiateqarfinnik nutaanik pilersitserusunera aallaavigalugit pilersaarummut tapiliussatut siunnersuut suliarineqarpoq.

Immikkoortup ilaani atortulersuutit siunissami pilersinniarnaqartut tassaapput mittarfik 2200 m-isut takissusilik, tikittarfiup/aallartarfiup illutaa nutaaq, biilnut inissiivissat, niusinermi unillatsiartarfiit kiisalu taakkununga attuumassuseqartunik arlalinnik atortorissaarutit. Taakku saniatigut inuussutissarsiateqarfinnut, imeqarfimmu, atqusinniornissamut il.il. atugassanut nunaminertanik atugassanngortitsisoqassaaq. Immikkoortup ilaa immikkuualuttunut arfinilinnut agguarneqarpoq:

A: timmisartut aallartarfiat mittarfiat

B: mittarfeqarnermi siunertanut (aallartarfimmut/ tikittarfimmut, hangarimut, sannavinnut il.il.) kiisalu akunnittarfik assigisaalu.

C aamma D: mittarfeqarnermut siunertanut aamma inuussutissarsiornermut, attaveqatigiinnermut teknikkikkullu atortulersuutitut.

E: attaveqaatit soorlu imeqarfik nutaaq tassungalu attuumassutillit.

F: inuussutissarsiornermut aamma sisorarfimmi sukisaarsarfiusinnaasunut atortulersuutitut tunngasut.

G: ujaqqaarvik aamma inuussutissarsiateqarfik

Mittarfiup 950 meterimiit 2200 meterimut tallineqarnissaani qaartitigassaq annertuvoq nunaminertallu ilasassat annertullutik. Nunatigut allanngortitassat Nuummi 'Ilisarnaataaalluarsinnaapput' nutaat, taamaattumillu sanaartugassat ilusilersornissaannut Kommuneqarfik Sermersuumut piumasaqaataasoq. Uuttuutit atortussallu, qaammaqquteqarneq ataqatigiinnerlu Kommuneqarfik Sermersuumiit piumasaqaataassapput. Illussanik kusanartuliornissami pitsaassuseq immikkoortorlu tamaat aallutarineqartariaqarput, maannalu nunataa aallaqqaataaniilli pingaartinneqalereerpoq taavalu immikkoortumut illoqarfimmullu sunniuteqarnissaa eqqarsaatigineqalereerluni. Sanaartornermi illussanik kusanartuliornissami pitsaassutsip ilaatigut pingaartuutinnerata anguniarneqarnerani, illussanik titartaanissamut mittarfiullu sanaartorneqarnissaanut kommunimi illuliortaatsimut politikki najoqqutaralugu Kommuneqarfik Sermersuumit qaffasissumik piumasaqaatitaqartoqassaaq.

Aningaasaqarnikkut sulisoqarnikkullu naliliinerit

Siunnersuut kommunimut aningaasatigut kingunissaqanngilaq.

Inatsisitigut tunngavissaq allakkallu tunngaviusumik uppernarsaatitallit

Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq

Inatsisartut inatsisaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarut pillugu siunnersuut sap. ak. arfineq pingasuni tamanut tusarniaassutigineqassaaq, piffissami 26. Maaji 2018-imiit – 20. Juuli 2018-imut.

Tusarniaassummut akissuteqarnissamut killiliusaaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu aamma Aningaasaqarnermut Inuussutissarsiornermullu Ataatsimiititani kiisalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

Pilersaarut inaarutaasoq tamanut saqqummiunneqassaaq nittartakkami www.sermersooq2028.gl

Aningaasaqarnermut Allatseqarfimmit oqaaseqaatit

Qulaani suliassamik saqqummiusaaq Aningaasaqarnermiit innersuussutiginnarsinnaavarput, kommunimut mittarfeqarfik inuussutissarsiornermullu nunaminertat annertuut atugassanngorlugit immikkoortinneqarsimasut nutaat iluaqutaalluassammata.

Innuttaasunik peqataatitsineq/attaveqatigiinneq

Siunnersuut sap. ak. arfineq pingasuni piffissami 25.05 Nuuk Ugeavisikkut aamma kommunip nittartagaatigut allagarsiinikkut tamanut tusarniaassutigineqassaaq.

Kalaallit Airports A/S VVM pillugu nalunaarusiamut atatillugu 12. marsi innuttaasunik ataatsimiititsivoq.

Siornatigut aalajangerneq

Sanarfinermut Avatangiisinullu Ataatsimiititap aalajangerera 26. April 2018-meersoq:
Inassuteqaatit akuerineqarput.

Ingerlatsivinnit allaniit oqaaseqaatit

Ingerlatsivinnit allanit oqaaseqaateqartitsisoqanngilaq.

Ilanngussaq

1. Kommunitumut pilersaarummut tapiliussaq 3E5-2, Nuuk Airport

Punkt 6: Taasariaqartut allat

Beslutning

Soqanngilaq.

Punkt 7: Suliat matoqqasut

Punkt 07A: Lukket

Punkt 07B: Lukket

Punkt 07C: Lukket

Punkt 07D: Lukket

Punkt 07E: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarneqarpoq 15:12